

Gitel Jisu Kristo bakbakan ia a'gilsakona re'bapilenga. Ia kattako ia bilsa 2000-na skangan uni a'gilsako dongmitingo ku'rachakaha (Johan 14:1-3). Maikai an.ching ua re'bapilchongmotgen ine masina amgen. Iani gimin ma'sina gita an'ching Gitel Jisuni katchinike aganangimin kattarangko sastroniko poraie ma'sina man'gen. An'ching namedake sastroniko poraie nigenchimode aro da'ororo ong'enga obostarang baksa tosusae nigenchimode Gitel Jisu kristo re'bapilchongmotenga ine nikna man'gen.

## 1 TOROM NOKKO NISIATA

Aro Jisu torom nokoni ong'kate re'ang-engachim ; unon uni sninggiparang una torom nok rikarangko mesokna ine re'baaha. Aro ua torom nokoni ong'katoa, Uni sninggiparangoni saksa una aganaha, o skigipa, nibo, maironga ro'onrang, aro maironga rikanirang unon Jisu una inaha, na'a ia dalgipa rikanirangko nikaha? Iara rua mangijagipa ro'ong dotsani kosako ro'ong dotsaba dongjawa (Mati 24:1-2; Mark 13:1-2; Luk 21:5-6). **Ia segimin gita AD 70 bilsio chusokaha.**

## 2 RE'BAPILANI CHINRANG

Aro Ua Joitun a'brini kosako, torom nokchi mikkangchake asongoa, sninggiparangoni – Pitor, Jakob, Johan aro Andrew Uo mittino singaha: O skigipa, iarang basako onngen? aro nangni rebaani aro a'gilsak bonani ia pilakan chu'soknasion mai chin onngen?uko chingna aganbo (Mati 24:3; Mark 13:3-4; Luk 21:13).

## 3 BRINGBRANGATGIPARANG CHAKATGEN

Unon Jisu aganchake uamangna inaha, Gisik rakbo, maina na'simangko pilakba brangatjawa. Maina bang'en angni bimingo re'bae agangen, Angan ua, Kristo, aro sal sepangaha; aro bang'ako brangatgen. Uamangni ja'man reangpanabe (Mati 24:4-5; Mark 13:5-6; Luk 21:8).

## 4 DINGGRIKARANGKO ARO DAKGRIKANI KATTARANGKO KNAGEN

Aro na'simang jensalo dinggrikarangko jingjengako aro dakgrikani kattako knaon, unsalo jajjrengnabe-kengoknabe; maina iarang skang ong'na nanggen, indiba chonkamani bakan ong'jawa (Mati 24:6; M Mark 13:7; Luk 21:8).

## 5 JATSA JATGIPIN DAKGRIKANI-RANG | BANGRIARANG | KANGAL KARAP | SABISIRANG

Unon Ua uamangna aganaha, jatsara jatsani, aro songnok sara songnok sani kosako chakatgen. Aro banggribearang onngen, banoba banoba karap, jajjrenganirang aro sabisirang ong'gen; salgioni kenbeani aro dalgipa chinrang onngen (Mati 24:7; Mark 13:8; Luk 21:10-11).

## 6 Indiba ia pilakan anpakani saknaani a'bachenga ong'a (Mati 24:8; Mark 13:8).

## 7 KRISTIANRANG A'RIKAKO MAN'GEN

Indiba na'simang an'tangtangna gisik rakbo, maina ia pilakna skang, manderang nasimangko rim'gen aro a'rikgen, na'simangko melarangna on'gen aro na'simangko a'rikgen aro nasimangko so'otgen. Aro angni bimungni gimin na'simang rajarang aro pamongrangona rimangako mangel. Indiba iarang na'simangna sakkina ongsakgen (Mati 24:9; Mark 13:9; Luk 21: 12-13).

## 8 Aro jensalo na'simangko rim'ange jako on'gen, unsalo maiko agangen,uni gimin sintesonabe; indiba unsalo na'simangna on'giminko maina na'simangni pilak bobilrang champengna aro aganchakna amgija kusik aro gisikko na'simangna ongen (Mark 13:11; Luk 21:14-15).

## 9 NOKDANGONI BOBILNA ON'GEN

Unsalo bang'en ja'gitdotgen. Aro jongada jongadako, pagipara degipako sichina jako on'gen; aro dedrang antangtang ma'a paana chakate uamangko so'otatgen. Aro angni bimingni gimin na'simang pilakni mitchiako man'gen (Mati 24:9-10; Mark 13:12-13; Luk 21:16-19).

## 10 KA'SARA KA'SINGEN

Aro namgija daka jelani gimin bang'ani ka'saraka'singen. Indiba ja'manona kingking chak-chikgipakon jokatgen (Mati 24:12-13).

## 11 Aro darang jatnan sakki ongchina songnokni ia nama kattako a'gimiko aganprakgen; aro unon chon'kamani ong'gen (Mati 24:14; Mark 13:10).

## 12 JERUSALEMO MITCHIANIKO GIMAATA

Indiba na'simang,Jerusalemko sipai kotokni duulako nikon uni gimaara sepangbaaha ine ui'bo (Luk 21:20). Uni gimin Daniel katchi nikgipachi agangimin gimaatani mitchianiko jensalo rongtalgipa biapo chadengako na'simang nikgen, Unsalo Judeao donggiparang a'brirangona katchina; aro bakrao donggiparang unona napejachina. Aro nokni kosako donggipa ong'onjachina; aro antang nokoni mamingkoba ra'angna napangjachina. Aro a'bao donggipa an'tang kanchako ra'na pilangjachina (Mati 24:15-18; Mark 13:14-16; Luk 17:21; 21:21). Indiba aiao unsalo agangiparang aro songnok kanggiparang! Aro na'simangni katanga sin'kario, ba nengtakan salo maikai ongjagen,uni gimin bibo (Mati 24:19-20; Mark 13:17-18; Luk 21:23). Aro uamng tonualni ku'pao ga'akgen, aro uamang pilak jatrangona rim'gittangangako man'gen, aro gipin jatrangni sal chu'sokjana kingking, Jerusalem gipin jatrangni ga'bekbekako man'gen (Luk 21:24).

## 13 JAKOBNI DUK ONG'ANI SAL (Jer 30:6-7)

Maina unsalo bang'bea duk aro saknaani ong'gen, jedake dakako dakchengantaltal daona kingking uandake ong'kuja,aro ong'jawa.Aro ua salko kandikatjaode , mamung be'enko jokatjawachim;indiba segiminrangni gimin ua salko kandikatgen (Mati 21:21-22; Mark 13:19-20; Luk 21:23). Maina pilak segiminrang chu'soktokchina,iarang sasti on'ani sal ong'a (Luk 21:22).

## 14 TOL'E KRISTO DAKGIPA ARO TOLA KATCHINIKGIPARANG

Unsalo saoba na'simangna , nibo ,iano kristo, ba, Iano, ine inode, beberanabe. Maina Kristo dakgiparang aro katchinika dakgiparang ong'kate dal'a chinrang aro aiao inmananirangko mesokgen;maikai ong'na manode, segiminrangkoba brangatgen. Indiba na'simang gisik rakbo nibo, anga na'simangna pilakkon agansoaha (Mati 24:23-24; Mark 13:21-23). Uni gimin, nibo, ua nokdringo gnanng ine inode,beberanabe. Maina maikai riprapa salgini samsaoni salginin samsaona teng'suanga,Mandeni depante antangni salo indaken onngen (Mati 24:26-27; Luk 17:23-24).

## 15 SALGIO CHINRANG

Un salrango duk ong'ani aro chinrang ong'ani bak ja'mano sal andalgen jaaba jatengjawa, askirangba ssalgioni ga'akgen, aro salgini bilrangko ringrengatgen (Mati 24:29; Mark 13:24-25; Luk 21:25). Aro a'gilsako ong'gnirangko nichaksoa, aro kenani gimin, manderang sibokgen; maina salgini bilrang ringrenggen (Luk 21:25-26).



**16** Aro unon salgio Mandeni depanteni nikgen; aro unon a'gilsakni pilak ma'chongrang ka'ako dokgen, aro uamang Mandeni depanteko bilmung aro rasong chabeeming aramo re'baako nikgen. Aro ua singga gam'beamung antangni sagrerangko watatgen, aro uamang balwa dambrioni, chong'motan salgini chonkamaoni chonkamaona, uni segiminrangko rimchimonggen (Mati 24:30-31; Mark 13:26-27; Luk 21:27).

**17** Indiba iarang ong'bachengon na'simang nichaobo, sko de'chaobo; maina na'simangni piokani sepangjok (Luk 21:28).

**18** Aro ua uamangna toaniko aganaha, Dumbur bolko, aro pilak bolrangko nibo. Jensalo uni cheksi nom'aha, aro jakgittal ritimaha, unon ding'kari sepangaha ine na'simang uia. Uandake na'simangba, jensalo ia pilakkon na'simang nika, uan sepangaha, cholgugaona sokbaha ine uibo (Mati 24:32-33; Mark 13:28-29; Luk 21:29-31). Indiba ua sal ba kontani gimin darangba uija, salgio gonggipa sagrerang ong'chong, depante ong'chong; Pagipa mangmang uiaria (Mati 24:36; Mark 13:32).

**19** Noani salo maikai, uandake Mandeni Depanteni re'baaba ong'gen. Maina chi dubina skang Noani ringo napani salona kingking, manderang maikai cha'achim, aro ringachim, jik kimachim aro chi dubibae pilakkon manangja skal, uamang ui'tokjachim; uandaken Depanteni re'baa ong'gen (Mati 24:37-39; Luk 17:26-27).

**20** Aro Lotni salo ong'a gitaba; manderang cha'a ringachim, pala breachim, ge'achim, rikachim; indiba Lotni sodomoni ong'katangani salo salgioni wa'al aro gondok ga'akdape pilakkon nisitokaha. Mandeni depanteni parapean saloba uandaken ong'gen (Luk 17:32-33).

**21** Lotni jikgipako gisik ra'bo. Janggitangko rakina am'gipa, ua uko gimaatgen; indiba janggiiko gimaatgipa,ua uko rakigen (Luk 17:32-33).

**22** Anga na'simangna agana, unwalo tuchakani gesano sakgni donggen; saksako rim'ange sakgipinko watanggen. Me'chik sakgni jatao natrime donggen saksako rim'ange sakgipinko watangen. Unsalo a'bao me'asa sakgni donggen, saksako rim'ange sakgipinko watanggen (Mati 24:40-41; Luk 17:36). Unon uamang una aganchake ingen, O Gitel, bao onngen? Unon ua uamangna aganaha, "Jeoba manggisi dongbo, uanon soginrang tom'gen (Mati 24:28; Luk 17:37).

## **23 MIKRAKBO ARO BI'BO**

Saksa mande an'tangni nokko watenba, aro an'tangni nokolrangna bilko on'e sakantina antang kamko on'enba, damgipin songchi donggipa maikai do'gacholko dongtimgipakoba mikrakna ge'etaha, ua gita ian ong'a. Uni gimin mikrakbo, maina nok nokgipa adamon, ba waljatchion, ba do'gisikon, ba pringon, basako re'bagen, uko na'simang ui'ja; maina ua rangitik re'bae na'simangni tusiako niknaba gnang (Mark 13:34-36).

**24** Indiba iako ui'bo, badia somoio cha'ugipa re'bagen, iako nokni nokgipa ui'genchim, indide mikrakgenchim, aro an'tang nokko cho'pruna on'jawachim. Uni gimin na'simangba tarie dongbo, maina na'simangni chanchisogijan salo Mandeni Depante re'bagen (Mati 24:43-44).

**25** Indiba antangtangni gimin gisik rakbo, chawakao, aro pekao aro janggitangna sinteao na'simangni gisik jrimbeon, ua sal jonti gita rangsan na'simangona re'bajana gita. Maina a'gimiko donggiparangna pilaknan re'bagen (Mati 13:33; Luk 21:34-35).

**26** Indiba ia pilak ongnirangoni jokna, aro Mandeni Depanteni mikkango chadengna amna gita, na'simang mol'mole mikrakjingingbo (Luk 21:36).

**27** Beben anga na'simangna agana, Ia pilak ong'kujana kingking ia chasong bonangjawa. Salgi aro a'a gimagen indiba angni kataran gimajawa (Mati 24:34-35; Mark 13:30-31; Luk 21:32-33).


**Dal'gipa Raja, Uni rasongni singhasono asongaha-Gitel Jisu Kristo bil aro rasongan gape Uni rongtalgipa sa'grerang baksa bakbakan re'bapilengaha.**

**Isolna kenbo, aro una rasongko on'bo; maina uni bichalni konta sokbaaha. Aro salgiko aro a'ako aro sagalko aro chirangni chimikrangko dakgipako olakibo (Parape'a 14:7)**

**SAL RUUTJAWAHA INE MIKCHETAHA!**

**SALGINI SONGNOK DA'O SEPANGAHA. GISIK PIL'BO ARO NAMA KATTAKO BEBERA'BO.**

**NANGNI ISOLKO GRONGNA TARIBO!**



*Isolni  
Songnokni  
Nama Katta*

ANGEL TV KO NIBO  
AIRTEL DTH, VIDEOCON 2DTH,  
TATA SKY, [www.angeltv.org](http://www.angeltv.org)

